

2023: Saam-saam onderweg

Deur: Ds. Johan Visser



Die nuwe jaar het vol verwagting aangebreek en ons het almal waarskynlik verskeie drome oor die jaar wat voorlê rakende geleenthede om lief te hê en liefgehe te word. Ons hunker daarna om God se genadegawes te ontvang, om geluk en vrede te beleef, om sukses te behaal en om almal saam 'n lewe, wat betekenisvol is, te lei. Ons wil graag 'n ruimte betree waar ons kan ontdek hoe om te groei, te ontwikkel en te floreer – 'n ontdekkingsreis onderneem waartydens ons met gemak die misterie van God en sy openbaringe aan ons, kan beleef. Hoe lyk die ruimte vir ontdekking en ontwikkeling in jou lewe vir die jaar wat voorlê? [Lees meer ...](#)

Louis van Loggerenberg aftree – nooit gesien

nie ...



Stellenberg-gemeente was bevoorreg om sedert 2000 vir Louis van Loggerenberg as orrelis en algemene musiekleier in die gemeente te hê. Hy het aftreeouderdom bereik en moet dus noodgedwonge die leisels aan Liana Smit oorhandig, maar volgens Louis is sy werk sy stokperdjie en wanneer hy nou terugkyk oor die afgelope 23 jaar heen, voel dit nie vir hom asof hy al ooit 'n dag in sy lewe gewerk het nie. [Lees meer...](#)

Die portrette vertel baie stories

Deur: Sanèl Joubert

Teen die mure van die kerkkantoor se boonste verdieping is 'n galery met foto's van die gemeente se oudlêraars. Dit is my onbenydenswaardige taak om 'n foto van elke leraar wat uit die gemeente se diens tree, in die hande te kry en dit vir dié doel te laat raam. Die taak is onbenydenswaardig omdat die dienaars nie baie gewillige fotomodelle is nie en ek gewoonlik my beste oorreringsvermoëns moet inspan om die foto's te bekom. Die foto's lei ook tot 'n groot gespottery en geredekawel, want die kandidate het voorkeure van waar hulle aan die muur gehang wil word – die posisies naby aan die toiletdeur is blybaar nie 'n gesogte bestemming nie. [Lees meer...](#)



Graad 8-kamp sorg vir vele mooi herinneringe





Deur: Tian Brand

Soos enige Stellenbergkamp by Apostelbatterykampterrein, was die graad 8-kamp van 2023 werklik 'n fantastiese en unieke belewenis. Elke geleentheid wat 'n mens kry om jou voet op daardie berg te plaas, bied nuwe ervarings waartydens jy die grootheid en heiligheid van God beleef. [Lees meer . . .](#)



Opwindende nuwighede in 2023 by Annibrand-kategorie

Deur: Ds. Marius Schoombie

Stellenberg se kategorieprogram is reeds goed op dreef, met meer as 400 inskrywings wat tot op hede ontvang is. Die jaar wat voorlê, belooft om 'n opwindende jaar te wees waartydens ons laer- en hoërskoolkinders op hulle onderskeie geloofsreise wil begelei, aan die hand van nuwe materiaal wat vir beide junior- en seniorkategoriegroepe ontwikkel is. [Lees meer . . .](#)

Terugvoer oor die gemeente se geldsake


Deur: Ds. Marius Breytenbach en Marius Saayman

Net soos vele ander instansies, moes ook ons die afgelope aantal jare sedert die Covid-19-pandemie en weer nou met die elektrisiteitskrisis, asem ophou om ons inkomste en uitgawes te bestuur. Maar ons is geseën en dankbaar om darem nog elke jaar binne ons verlaagde begroting vir die jaar te kon bly. [Lees meer . . .](#)

Om kunsmatige intelligensie en godsdiens te versoen

Deur: Dr. Dirk Brand

'n Mens mag dalk wonder wat het kunsmatige intelligensie met godsdiens te doen. Kunsmatige intelligensie (KI) is lankal nie meer net die domein van slim rekenaarwetenskaplikes nie. Dit is tegnologie wat feitlik elke faset van die mens se bestaan raak, trouens, dit het 'n radikale effek op die hele gemeenskap. Godsdiens is ook meer as bloot dit wat 'n mens glo, maar sluit 'n bepaalde lewensuitkyk, waardes, geloofspraktyke en leefstyl in. KI, soos ander tegnologiese ontwikkelinge, is dus iets wat baie relevant is vir elke godsdiens. Die vraag is hoe kan KI op 'n etiese en verantwoordelike wyse ontwikkel en gebruik word tot voordeel van die mens? [Lees meer . . .](#)



My huwelik is in die moeilikheid! Wat nou?

Deur: Rudolph van Schoor

Onlangs het jare lange vriende van my uit die bloute vertel dat hulle beoog om te skei en ek was werklik geskok. Hulle het, soos ons almal, alledaagse uitdagings wat in elke huwelik bestaan, beleef, tog het hulle op die oog af altyd gelukkig voorgekom. [Lees meer . . .](#)

Annibrand spog met 'n nuwe baadjie

Die jeugkommissie het aan die einde van verlede jaar omtrent diep gedink, heelwat geteken en koppe bymekaargesit om die Annibrand-logo te vernuwe en ons is baie in ons skik met die eindresultaat en die simboliek wat die nuwe logo verteenwoordig. [Lees meer . . .](#)



'n Nuwe lid in die span

Sheree-Lee Gildenhuys is nie 'n heeltemal onbekende gesig nie, aangesien sy reeds teen die einde van 2022 deelyds as die administratiewe assistent van die feesmark behulpsaam was. Sy is sedert Februarie voltyds in dié pos aangestel en sal voortaan betrokke wees by die organisering van die feesmark, basaar en ander gemeentefeeste.

[Lees meer...](#)



h.v. Edelweissweg en Mountain Viewrylaan | Eversdal, Wes-Kaap
7550 ZA

www.stellenberg.co.za

Share this email:



[Manage](#) your preferences | [Opt out](#) using TrueRemove™

Got this as a forward? [Sign up](#) to receive our future emails.

View this email [online](#).

h.v. Edelweissweg en Mountain Viewrylaan
Eversdal, Wes-Kaap | 7550 ZA

This email was sent to .

To continue receiving our emails, add us to your address book.

[Subscribe](#) to our email list.